

- Pronto polizia
- Pronto, sono... Piero... o soi Pieri
- Che al mi disi.
- Ah! Che al sinti lui... jo o ai apene vude cumò devant une clamade anonime.
- Oh! Che al mi disi... une clamade?
- Sì, une telefonade anomine...
- Ah, une telefonade...
- Sì, par telefon
- Che al mi disi
- E...e diseve che jê, chê lî, e diseve che mi àn robade la machine...
- A cui?
- A mi.
- Ah! A lui?
- Sì, a mi...
- E lui savevial za?
- Ce robe?
- Che i vevin robade la machine.
- Sì, o savevi
- E alore?
- Alore ce?
- E alore ce bisugne aial di une telefonade anonime par savê une robe che al saveve za?
- Ma jo... no le ai mighe fate jo cheste telefonade!
- Sigûr di no... mighe nol podeve clamâsi di bessôl!
- Eh! Sì. No. Di bessôl no, veh!
- E ce disevie cheste telefonade anonime?
- E diseve che... e si lamentave che la machine no... no lave ben... no lave mighe ben!
- Ven a stâi?
- Il stierç... al jere rot... un fanalin al jere crevât... lis marcis a... che la frizion e grate.



- E ise vere?
- E che consume une vore.
- E ise vere?
- Ce robe?
- Che... il stierç al grate, che la frizion e à un fanalin crevât, che lis marcis a consumin une vore.
- Sì... e je vere, se al è par chel, ma...
- Ma alore ce bisugne vevial di une telefonade anonime par savê robis che al saveve zà?
- Ma no soi jo che o fâs lis telefonadis anonimis! Jo lis ricêf! Di une cierte Marie!
- Marie? Cui ise Marie?
- Chê che mi à telefonât.
- Ma no jerie anonime?
- Ma insome! Jo o ricêf telefonadis e lui...
- Ah! Lis ricêf! Alore al à vudis di altris?
- Altris ce?
- Altris telefonadis anonimis.
- Ma no!
- Alore parcè mi disial che LIS ricêf?
- Le ai ricevude!!! Une, une sole... par cumò!
- O ai capît! No covente sberlâ!
- Eh ma! Al mi fâs pierdi la pazienze lui! Fra lui e chê anonime di prime!
- In ogni câs al à di savê une robe.
- Ce robe?
- Cul fanalin rot lui al è in multe!

di Laurin Zuan Nardin

#1054